



Pou Piblikasyon Imedya: 05/11/2021

GOUVÈNÈ KATHY HOCHUL

GOUVÈNÈ HOCHUL ANONSEPATENARYA AK PUERTO RICO POU RANFÒSE SÈVIS SANTE MANTAL

*Patenarya pral tabli yon rezo pwofesyonèl sante mantal nan ka katastwòf atravè
New York ak Puerto Rico atravè yon pwojè fòmasyon an kolaborasyon*

*SUNY New Paltz pral ofri yon kou etid siperyè ki gen 3 kredi ki pral fèt nan
University of Puerto Rico, nan kanpis Rio Piedras*

Yo pral ofri kou pandan vakans ivènal 2021-2022 a ak pandan ete 2022 a

Pandan yon toune nan Concilio de Salud Integral de Loiza nan Loiza, Puerto Rico (Pòtoriko), jodi a Gouvènè Kathy Hochul te anonse yon patenarya ant Biwo Gouvènè Eta New York, CUNY, SUNY, Institute for Disaster Mental Health (Enstiti pou Sante Mantal nan ka Katastwòf) nan SUNY New Paltz ak University of Puerto Rico ki pral etabli yon rezo pwofesyonèl sante mantal nan ka katastwòf atravè New York ak Puerto Rico atravè yon pwojè fòmasyon an kolaborasyon. Lè yo bay karant etidyan diplome fòmasyon konjwen sou sante mantal nan ka katastwòf ak eksperyans sou teren, pwojè a pral ede prepare pwochèn jenerasyon pwofesyonèl sante mantal nan ka katastwòf la alafwa nan New York ak nan Puerto Rico. Eksperyans fòmasyon konbine a pral kreye tou relasyon pwofesyonèl pami sekouris sante mantal nan New York ak Puerto Rico yo ki pral ranfòse inisyativ repons nan ka katastwòf alavni.

"Aparisyon rapid COVID-19 ansam ak yon ogmantasyon kantite katastwòf natirèl pwouve kijan li tèlman enpòtan pou nou prepare pou sikonsans san parèy yo", **Gouvènè Hochul te deklare**. "An patikilye eksperyans sa yo mete aksan sou enpòtans byennèt mantal e mwen fyè pou m lanse patenarya sa a ak Puerto Rico pou ranfòse resous sante mantal yo. Lè w gen pwofesyonèl ki resevwa fòmasyon ki prepare pou rantye nan batay la, yo pral gen anpil valè nan ka ta gen katastwòf alavni."

SUNY New Paltz pral ofri yon kou etid siperyè ki gen 3 kredi ki rele Eksperyans sou Teren sou Sante Mantal nan ka Katastwòf (Disaster Mental Health Field Experience), ki pral fèt nan University of Puerto Rico, nan kanpis Rio Piedras. Se Doktè Amy Nitza, Direktè Institute for Disaster Mental Health nan SUNY New Paltz ki pral anseye kou a epi li pral genyen ladan:

- 5 etidyan ki soti nan pwogram Edikasyon Konseye ak/oswa Sètifikasi Avanse nan pwogram Sante Mantal nan ka Katastwòf ak Twomatiz SUNY New Paltz la
- 5 etidyan diplome CUNY nan Konsèy
- 10 etidyan nan pwogram Konsèy pou Reyabilitasyon nan University of Puerto Rico nan Rio Piedras

Pandan kou k ap dire de semèn sa a, etidyan yo pral resevwa fòmasyon soy tewori ak pratik sou sante mantal nan ka katastwòf ak istwa ak kontèks sosyopolitik aktyèl Puerto Rico, epi answit y ap jwenn eksperyans pratik nan bay fòmasyon nan Premye Swen Sikolojik bay òganizasyon kominotè yo nan tout Puerto Rico. Atravè pwogram nan, etidyan yo pral jwenn tou yon badj/mikwo-sètifikasi sou Sante Mantal ak Sipò Sikososyal.

Yo pral ofri kou a de fwa: yon fwa pandan vakans sezon ivènal 2021-2022 a, ak yon lòt fwa pandan ete 2022 a.

Senatè Toby Ann Stavisky te deklare, "Eta New York te deja gen yon relasyon espesyal ki dire lontan ak Puerto Rico. Nou pataje anpil lyezon komen, epi pwogram fòmasyon an kolaborasyon sa a pral prepare pwochòn jenerasyon konseye pwofesyonèl sou sante mantal yo pandan y ap ede sivivan nan ka katastwòf yo epi bay sipò nan moman ki gen gwo bezwen yo. Mwen bat bravo pou Gouvènè Hochul ak SUNY New Paltz pou pwojè sa a ki gen yon vizyon pou lanvni."

Manm Asanble Deborah Glick te deklare, "Ak rechofman planèt la k ap ogmante a, chans pou evènman move tan yo ki gen ladan siklòn, tònad, ak inondasyon, yo deja montre preparasyon pou evènman sa yo se yon nesesite. Pandemi an pote yon konpreyansyon ki pi pwofon sou bezwen sipò sante mantal nan sitiyasyon ijans yo. Mwen bat bravo pou Gouvènè Hochul, SUNY New Paltz, ak University of Puerto Rico pou prevwayans yo ak angajman yo pou travay ansanm pou garanti Nouyòkè yo ka konte sou sipò sante medikal nan ka katastwòf. Planifye pou sa a se yon premye etap ki enpòtan pou asire aksè ak tout moun ki pral bezwen li alavni."

Chanselye SUNY an, Jim Malatras, te deklare, "Souvan lè katastwòf natirèl yo frape, nou panse ak travay nou fè pou rekonstiwi enfrastrikti yo—e non ak travay pou rekonstiwi moun k ap andire twomatiz yo. Nouvo patenarya sante mantal sa a ant SUNY New Paltz ak Puerto Rico pral aji kòm yon kad non sèlman pou geri vye blesi ki te pwodui akok katastwòf ki sot pase yo, men tou pou bay yon rezo rekiperasyon ak rekwasans pandan pwochòn repsons ak katastwòf yo. SUNY fyè dèské li fè pati kolaborasyon sa a, e mwen remèsyé Gouvènè Hochul pou sipò li, ansanm ak ekspè nan SUNY ak University of Puerto Rico nan Rio Piedras paske yo defann efò sa a."

Rektè CUNY an, Félix V. Matos Rodríguez te deklare, "Pandan n ap kontinye fè fas ak devastasyon pandemi COVID-19 la ak ogmantasyon prevalans nan ka katastwòf natirèl ki asosye ak move tan an, nou wè yon bezwen ijan pou pwofesyonèl sante mantal espesyalize ki disponib pou sipòte moun ki afekte yo. Patenarya sa a, ki pral

kreye yon filyè pwofesyonèl sante mantal ki prepare nan New York ak nan Puerto Rico, li baze sou bilan CUNY pou ede kominote ki nan detrès yo nan New York yo ak odela. Nou remèsyé Gouvènè Hochul ak patnè nou yo pou travay yo fè nan asire ke nou ka pi byen reponn ak katastwòf yo alavni epi ede moun yo ki nan bezwen."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)